

**MU KARERE HIZIHIRIJWE IBIRORI
BY'UMUNSI MUKURU
W'IMBONEZAMIKURIRE Y'ABANA BATO
KU RWEGO RW'IGIHUGU (ECD DAY)**



»»» SOMA PAJI YA 2

»»» SOMA PAJI YA 3

**MU GUSOZA IMINSI 16 Y'UBUKANGURAMBUGA
BUGAMIJE KURWANYA IHOHOTERA RISHINGIYE KU
GITSINA, HASHYINGIRWA IMWE MU MIRENGE
YABANAGA MU BURYO BUTEMEWE N'AMATEGEKO**



SOMA PAJI YA 5



**MU KWIZIHIZA ISABUKURU Y'IMYAKA
90Y'AMAGAJU FC, UBUYOBOZI BWAYO
N'ABAFANA BASHIMIWE N'UBUYOBOZI
BW'AKARERE**



»»» SOMA PAJI YA 6

**PEREZIDA W'INAMA NJYANAMA
Y'AKARERE YIFATANYIJE N'UMURENGE WA
GASAKA MU GIKORWA CYO GUSANGIRA
N'ABANA IMINSI MIKURU ISOZA UMWAKA
WA 2025**

MU KARERE HIZIHIRIJWE IBIRORI BY'UMUNSI MUKURU W'IMBONEZAMIKURIRE Y'ABANA BATO KU RWEGO RW'IGIHUGU (ECD DAY)



*Honorable INGABIRE yifatanyije n'Ubuyobozi
bw'Akarere muri NCDA Day*

Ku wa 11 Ukuboza 2025, Umuyobozi Mukuru w'Ikigo cy'Igihugu gishinzwe Imikurire no Kurengera Umwana (NCDA), Honorable INGABIRE Assumpta ari kumwe n'Umunyamabanga Nshingwabikorwa w'Intara y'Amajyepfo, Bwana Védaste NSHIMIYIMANA, bakiriwe na Perezida w'Inama Njyanama y' Akarere wari uri kumwe n' Umuyobozi w' Akarere, Umuyobozi w' Akarere Wungirije Ushinzwe Imibereho Myiza y' Abaturage hamwe na bamwe mu bagize Inama y' Umutekano Itaguye y' Akarere.

Bifatanyije n'Abaturage b'Akarere ka Nyamagabe by' umwihariko abo mu Murenge wa Gasaka mu Birori byo kwizihiza ku rwego rw'Igihugu, Umunsi Mukuru w'Imbonezamikurire y' Abana Bato (ECD Day) byabereye muri Stade Nyagisenyi.

Ibirori byabanjirijwe no gusura Urugo Mbenezamikurire y' Abana Bato rukorera hafi y' Abaturage rwa Gasaka, n' Urugo Mbenezamikurire y' Abana Bato rubarizwa mu Igororero rya Nyamagabe.

Habayeho kandi Imurikabikorwa rito (Mini Expo).

Umuyobozi Mukuru wa NCDA, Honorable INGABIRE yasabye ababyeyi bo mu Karere ka Nyamagabe kwita ku mikurire y'abana babo babajyana mu Ngo Mbenezamikurire y'Abana Bato kugira ngo bazageze igihe cyo kujya kwiga ubwonko bwaramaze gukanguka. Muri ibi birori Abana bafite ubumuga bw'ingigo bahawe inyunganirangingo zirimo amagare.



*Ku munsi wa ECD Day abana bo mu ngo
mbenezamikurire y'abana bo mu Murenge
wa Gasaka bahawe indyo yuzuye*

MU GUSOZA IMINSI 16 Y'UBUKANGURAMBAGA BUGAMIJE KURWANYA IHOTERA RISHINGIYE KU GITSINA, HASHYINGIRWA IMWE MU MIRENGE YABANAGA MU BURYO UTEMWE N'AMATEGEKO



Visi Meya mu gusoza ubukangurambaga ku kwirinda ihohotera rishingiye ku gitsina

Ku wa 10 Ukuboza 2025, mu Murenge wa Kibumbwe hasorejwe ku rwego rw'Akarere, Iminsi 16 y'ubukangurambaga bugamije kurwanya ihohotera rishingiye ku gitsina aho Umushyitsi Mukuru yari Umuyobozi w'Akarere Wungirije Ushinzwe Imibereho Myiza y'Abaturage, Agnès UWAMARIYA.

gikorwa cyabanjirijwe no gushyingira imiryango igera kuri 45 yabanaga mu buryo butemewe n'amategeko.

Visi Meya UWAMARIYA yashimiye abafatanyabikorwa batandukanye ku ruhare bagize muri ubu bukangurambaga.

Yashimiye kandi imiryango yiyemeje kubana mu buryo bwemewe n'amategeko. Yasabye kandi abatarabikora kubikora.

By'umwihariko yasabye abaturage b'Umurenge wa Kibumbwe kwirinda ihohotera rishingiye ku gitsina n'amakimbirane, baha abana babo uburere bukwiye.



Mu gusoza ubukangurambaga ku kwirinda ihohotera rishingiye ku gitsina hashyngirwe imwe mu miryango yabanaga mu buryobutemewe n'amategeko

ABANTU BAFITE UBUMUGA BO MU KARERE BIJEJWE KO UBUYOBOZI BUZAKOMEZA KUBABA HAFI



Visi Meya mu kwizihiza Umunsi

Mpuzamahanga w'abantu bafite Ubumuga

Ku wa 03 Ukuboza, Umuyobozi w'Akarere Wungirije Ushinzwe Imibereho Myiza y'Abaturage, Madame Agnès UWAMARIYA, yifatanyije n'abaturage b'Umurenge wa Mbazi, mu birori byo kwizihiza ku rwego rw'Akarere Umunsi Mpuzamahanga w'Abantu bafite Ubumuga wari ufite insanganyamatsiko igira iti: "Dushyigikire Umuryango udaheza Abantu bafite Ubumuga- duteze imbere imibereho myiza".

Umuhuzabikorwa w'Abantu bafite Ubumuga mu Murenge wa Mbazi, NIYIREBA Juvénal yavuze ko Abantu bafite Ubumuga bahawe agaciro kandi barakora bakiteza imbere.



Umuhuzabikorwa w'Abantu bafite Ubumuga ashima Ubuyobozi bw'Akarere bubaba hafi

Yaragize Ati:"Cyera abatari bake bari bazi ko Abantu bafite Ubumuga dutunzwe no gusabiriza ariko ibyo byabaye amateka. Ubu twibumbira mu makoperative tukiteza imbere nk'abandi. Hano i Mbazi dufite Koperative twibumbiyemo.

Nubwo hari imbogamizi tugihura nazo ariko turakora kandi tugatera imbere nk'abandi. Turashima Leta y'u Rwanda yaduhaye agaciro."

Umuyobozi w'Akarere Wungirije Ushinzwe Imibereho Myiza y'Abaturage, Agnès UWAMARIYA yashimiye Abantu bafite Ubumuga bo mu Karere by'umwihariko abo mu Murenge wa Mbazi ku ruhare bagira mu iterambere ryabo no ku ry'Igihugu muri rusange.

Yabijeje ko inzosi bafite zo kugera ku iterambere rirambye zizaba impamo kuko ubuyobozi bw'Akarere n'ubw'Igihugu bubari inyuma. Ashimiye kandi abafatanyabikorwa batandukanye ku ruhare bagira mu iterambere ry'Abantu bafite Ubumuga mu Karere.

Asabye by'umwihariko buri wese kugira uruhare mu kurinda ihohotera iryo ari ryo ryose Abantu bafite Ubumuga. Kwizihiza ku rwego rw'Akarere Umunsi Mpuzamahanga w'Abantu bafite Ubumuga, byasojwe no kuremera abafite Ubumuga batishoboye.

Hatanzwe inka n'inyunganirangingo ku batishoboye.

KIBILIZI- UMUYOBOZI W'AKARERE YASABYE ABATURAGE KUGIRA ISUKU UMUCO



Meya NIYOMWUNGERI na Visi Meya HABIMANA mu birori byo kwizihiza isabukuru y'imyaka 90 ya Amagaju FC

Meya NIYOMWUNGERI yashimiye ubuyobozi bw'ikipe n'abafana muri rusange ku ruhare bagira mu iterambere ry'ikipe no gushyira umuturage ku isonga himakazwa imiyoborere myiza.

Ku wa 20 Ukuboza 2025, Umuyobozi w'Akarere, Bwana Hildebrand NIYOMWUNGERI ari kumwe n'Umuyobozi w'Akarere Wungirije Ushinzwe Iterambere ry'Ubukungu, Thaddée HABIMANA bifatanyije n'ubuyobozi bw'ikipe ya Amagaju FC hamwe n'abafana bayo mu birori byo kwizihiza isabukuru y'imyaka 90.

PEREZIDA W'INAMA NJYANAMA Y'AKARERE YIFATANYIJE N'UMURENGE WA GASAKA MU GIKORWA CYO GUSANGIRA N'ABANA IMINSI MIKURU ISOZA UMWAKA WA 2025

Ku wa 20 Ukuboza 2025, Perezida w'Inama Njyanama y'Akarere, UWAMAHORO Clotilde ari kumwe n'Umuyobozi w'Akarere Wungirije Ushinzwe Imibereho Myiza y'Abaturage, Agnès UWAMARIYA bifatanyije n'ubuyobozi bw'Umurenge wa Gasaka mu gusangira iminsi mikuru y'impera z'umwaka wa 2025 n'abana by'umwihariko abo mu miryango itishoboye.



Perezidawa Njyanama asangira Noheli n'abana bo muri Gasaka

This Newsletter was produced

by

Callixte NDAGIJIMANA

**Public Relations, Media and
Communication Officer**

Contacts:

Email: pro@nyamagabe.gov.rw

Phone: +250783353060

www.nyamagabe.gov.rw